

3

Alconia probæ foeminæ eruditissimæ ad adel
phū senatorē coniugē dulcissimū ex uirgilio opibus
cētones ueteris ac noui testamēti foeliciter īcipiūt.

Pater o hominum rerūq; æterna potestas.

Da facilē cursū: atq; animis illabere nostris.

Tuq; ades: inceptumq; una decurre laborem

Nate patris sūmi uigor & celestis origo:

Quem primi colimus: meritosq; nouamus honores

Iam noua progenies: omnis quam credidit etas.

Munera uestra cano. satis est potuisse uideri.

Nam memini ueterū uoluens monumēta uirorū:

Quæ sint: que fuerint: quæ mox uentura trahātur:

Omnia: ut ispe tener mundi concreuerit orbis.

Foelix qui potuit rerum cognoscere causas.

Vnde hominumq; pecudūq; genus uitæq; uolantū.

Et quæ marmoreo fert monstra sub æquore pōtus

Et liquidi simul ignis: ut his exordia primis

Terrarumq; iginisq; animæ marisq; fuissent.

Haud aliter prima crescentis origine mundi

Illuxisse dies: alium ue habuisse tenorem

Crediderim: maior rerum mihi nascitur ordo:

Si qua fidem tanto est operi latura uetustas.

Namq; fatebor enim: lauium spectacula rerum

Semper equos atq; arma uirum pugnāsq; canebā.

Et studio in cassum uolui exercere labores.

Omnia tentanti potior sententia uisa est:

Pandere res alta terra & caligineertas.

A. i.



VNIERSIDAD
DE SALAMANCA

GREDO.SAL.ES

Inque dies aliquid iam dudum iuadere magnum.
Mens agitat mihi: nec placida contenta quiete;
Ore fauete omnes. lætaſque aduertite mentes.
Matres atque uiri pueri innuptæque puellæ.

Opera ſex dierum.

Rincipio coelum ac terras camposque liquètes
Lucentemque globum lunæ ſoliſque labores.
Ipſe pater ſtatuit uos o clariffima mundi
Lumina labentem coelo quæ ducitis annum.
Nam neq; erāt aſtorū ignes: nec lucidus ethra:
Sed nox atra polum bigis ſubuecta tenebat:
Et chaos in præcepſ tantum tendebat ad umbras:
Quantus ad ethereum coeli ſuſpectus olympum.
Tunc pater o omnipotens rerū cui ſūma poteſtas:
Aera dimouit tenebroſum: & diſpulit umbras:
Et medium luci atque umbris iam diuidit orbem.
Sydera cuncta notat tacito labentia coelo:
Intentos uoluens oculos qua parte calores
Auſtrinos tulerit: quæ terga obuenterit axi:
Obliquus qua ſe ſignorum uerteret ordo.
Poſtquam cuncta uidet coelo conſtare ſereno
Omnipotens: ſtellis numeros & nomina fecit:
Temporibusque parem diuerſis quattuor ānum:
Eſtusque & pluuias: & agentes frigora uentof.
Atque hæc ut certis poſſimus diſcere ſignis:
Vere tument terræ: & genitalia ſemina poſcunt.
At medio toſtas æſtu terit area fruges.
Et uarios ponit foetus autumnus, & atra

Venit hyems. teritur ſycionia bacca trapetis.
atque in ſe ſua per ueſtigia uoluitur annus.
Tempore iam ex illo foecundis imbribus æther
Magnus alit magno cōmixtus corpore foetus.

Dies primus.

T iam prima nouo ſpargebat lumine terras;
Ducebatque diem ſtellis aurora fugatis:
Tum durare ſolum & diſcludere nereæ ponto
Incipit: & rerum paulatim ſumere formas.
Et uariæ pelagi facies imania cete
Aequora uerrebant caudis: eſtumque ſecabant:
Necnon & uasti circum gens humida ponti
Iam ſole infuſo iam rebus luce receptis
Exultans rorem late diſpergit amarum.

Dies ſecundus.

Oſtera iamque dies primo ſurgebat eco:
Fundit humus flores: ac frondes explicat omnes.
Sanguineis inculta rubent auſaria baccis:
Non raſtris hominum non ulli obnoxia curæ.

Dies tertius.

Ertia lux gelidam coelo dimouerat umbram:
Auiæ tunc reſonant auibus inculta canoris.
Et liquidas preſſo corui dant gutture uoces.
Nec gemere æria ceſſauit turtur ab ulmo.

Dies quartus.

Varto terra die uariarum monſtra ferarum
Omnigenique pecus nullo cuſtode per herbam
Educit ſiluiſ ſubito mirabile uifu;

¶¶¶

Tum demum mouet arma leo. tū pessima tigris.
Squamosusque draco: ac fulua ceruice leena
Seuire: ac formæ magnorum ululare luporum.
Cætera pascuntur uirides armenta per herbas.
Nec gregibus liquidi fontes: nec gramina desūt

Dies quintus & sextus

Iamque dies alterque dies processit: & omne
Hoc uirtutis opus diuinæ mentis & haustus
Prospiciens genitor perfectis ordine rebus
Expleri mentem nequit: ardescitque tuendo.
Terrasque tractusque maris coelumque profundum
Alituum pecudumque genus: secumque uolutat
Qui mare qui terras omni ditioe tenerent:
Neu segnes iaceant.

De formatione primi hominis.

Talia uersanti subito sententia sedit:
Foelicemque trahit limum: fingitque premendo
Pingue solum primis extemplo a mensibus anni
Iamque improuiso tantæ pietatis imago
Procedit noua forma uiri: pulcherrima rerum:
Os humerosque deo similis: cui mētem animūque
Maior agit deus: atque opera ad maiora remittit.

De formatione eue

Quæritur huic alius: nec quisquā ex agmine tātō
Audet adire uirum: sociusque in regna uocari.
Haud mora cōtinuo placidā p membra quietem
Dat iuueni: & dulci declinat lumina somno.
Atque illi in medio spatio iam noctis opacæ

Omnipotens genitor costas & uiscera nudat.
Harum unam iuueni lateris compagibus arctis
Eripuit: subitoque oriturque mirabile donum:
Argumentum ingens: claraque in luce refulsit
Insigni facie & pulcro pectore uirgo.
Iam matura thoro. iam plenis nubilis annis.
Olli somnum ingens rupit pauor. ossaque & arctus
Coniugiumque uocat: & stupefactus nomina pressit:
Excepitque manu: dextramque amplexus adhæsit.

Deus homini benedixit

His demum exactis torquet qui sydera mundi:
Infit. eo dicente premit placida æquora pōtus.
Et tremefacta solo tellus silet. arduus ether.
Viuite foelices: interque uirentia culta
Fortunatorū nemorum: sedesque beatas.

Hæc domus. hæc patria est. reges en certa laborū
Hiis ego neque metas rerum: nec tempora pono.
Imperium sine fine dedi: multosque per annos
Non rastros patietur humus. nec uinea falcem:
At genus immortale manet: nec tarda senectus
Debilitat uires animi: mutatque uigorem.

Ligni fructus prohibetur

Vos contra quæ dicam animis aduertite uestris.
In medio ramos annosaque brachia tendens
Est in conspectu ramis foelicibus aibos:
Quam neque fas igni cuiquā nec sternere ferro:
Religione sacra nunquā cōcessa moueri.
Hac quicumque sacros decerpserit arbore foetus:

Morte luet merita: nec me sententia uertit.
Nec tibi tam prudens quisquā persuadeat auctor
Cōmaculare manus. liceat te uoce moneri
Foeminea nec te ullius uiolentia uincat:
Si te digna manet diuini gloria ruris.
Postquam cuncta pater coeli cui sydera parent
Composuit: legesq; dedit: camposq; nitentes
Desuper ostentat: tantarum gloria rerum.

Descriptio paradisi.

Ecce autem primi sub cardine solis & ortus
Deuenero locos: ubi mollis amaracus illos
Floribus & dulci aspirans complectitur umbra.
Hic uer purpureum: atq; alienis mensibus estas:
Hic liquidi fontes: hic coeli tempore certo
Dulcia mella premunt: hic candida populus antro
Imminet: & lentæ texunt umbracula uites.
Inuitant croceis halantes floribus orti
Inter odoratum lauri nemus: ipsaq; tellus
Omnia liberius nullo poscente ferebat.
Fortunati ambo si mens non leua fuisset
Coniugis infandæ. docuit post exitus ingens.

Tentatio per serpentem.

Iamq; dies infanda aderat: per florea rura
Ecce inimicus atrox imensis orbibus anguis
Septem ingens gyros septena uolumina torquens:
Nec uisu facilis nec dictu effabilis ulli:
Obliqua insidiâs ramo frondente pependit
Vipeream inspirans animam; cui tristia bella.

Iraq; insidiæq; & crimina noxia cordi:
Odit & ipse pater: tot sese uertit in ora:
Arreptisq; horret squamis: & nequid in ausum
Aut intentatum sceleris ue doli ue relinquat:
Sic prior aggreditur dictis: atq; obtulit ultro.
Dic ait o uirgo lucis habitamus opacis:
Riparūq; thoros: & prata recentia riuis
Incolimus: quæ tanta animis ignauia uenit:
Strata iacēt passim sua quæq; sub arbore poma.
Pocula sunt. fontes liquidi. coelestia dona
Atrectare nefas. id rebus defuit unum.
Quis prohibet causas penitus tentare letentes?
Vana superstitio. rerum pars altera adempta est.
Auctor ego audendi sacrata resolvere iura.
Tu coniunx. tibi fas animum mollire precando.
Dux ego uester ero. tua si mihi certa uoluntas:
Extruimusq; thoros: dapibusq; epulamur opimis
Eua seducitur.

Sic ait & dicto citius quod lege tenetur:
Subiiciunt epulis olim uenerabile lignum:
Instituuntq; dapes: contactuq; omnia fedant.
Præcipue infelix pesti deuota futuræ
Causa mali tanti summo tenuis attigit ore:
Miraturq; nouas frondes: & nō sua poma
Maius adorata nefas maioremq; orsa furorem
Heu misero coniunx aliena ex arbore germen
Obiicit: atq; animum subita dulcedine mouit.
Nudos uident se & faciunt sibi perizomata

¶¶¶

Continuo noua lux oculis effulsit. at illi
Terrentur uisu subito. nec plura morati
Corpora sub ramis obiectu frondis obumbrat
Confertum tegmen: nec spes opis ulla dabatur.
At non hæc nullis hominum rerumq; rector
Prospiciens oculis cædes & facta tyranni.
Præsentit: notumq; furens quid foemina possit.
Continuo inuadit: procul o procul este prophani
Conclamat coelum ac terras qui numine firmat.

Adam se abscondit.

Atq; illi longe gradientem ac dira frementem
Ut uidere metu uersi retroq; ruentes
Difugiunt: siluasq; & sicubi concaua furtim
Saxa petunt. piget incepti. lucisq;. nec auras.
Despiciunt. tædet coeli conuexa tueri.
Nec longū in medio tempus: cū creber ad aures
Visus adesse pedum sonitus: genitorq; per auras.
Hunc ubi uix moestum multa conspexit in umbra
Talibus alloquitur dictis: atq; increpat utro.

Adam increpatur a domino.

Infoelix quæ tanta animum dementia cepit:
Quis furor iste nouus: quo nunc quo tenditis inqt
Regnorū immemores: quæ mentē insania mutat:
Dicite quæ lucis miseris tam dira cupido:
Maturate fugam. totoq; absistite luco.
Nec reuocare gradum si quādo aduersa uocarint
Est licitum: flāmis ambit torrentibus amnis
Per medium stridens torquetq; sonantia saxa:

Attolitq; globos flāmarum: & sydera lambit.

Excusatio adam.

Ille sub hæc tua me genitor tua tristis imago
His posuere locis. merui. nec de precor inquit
Omnipotens: sonitumq; pedum uocemq; tremisco
Consciuis audacis facti monitiq; sinistri.
Foemina fert succos tristes tardumq; saporem.
Illa dolos dirumq; nefas in pectore uersans.
Infonem infando iudicio moritura puella
Dum furit incautum crudeli morte peremit.
Suasit enim scis ipse neq; e te fallere cuiquam.
Ut uidi. ut perii. ut me malus abstulit error.
Contigimusq; manu quod nō sua seminat arbor.

Maledictio serpentis.

Tunc pater omnipotens solio sic infit ab alto.
Accipite ergo animis: atq; hæc mea figite dicta.
Tuq; prior scelere ante alios immanior omnis:
Quem neq; longa dies pietas nec mitigat ulla
Hortator scelerum coluber mala gramina pastus
Desidiæ latamq; trahens inglorius aluū:
Cede locis: nullis hominum cogentibus ipse
Tenuis ubi argilla & dumosiis calculus aruis.

Maledictio adam.

At tibi pro scelere exclamat pro talibus ausis:
Omne æuum ferro teritur. primusq; per artem
Heu miserande puer terram insectabere rastris.
Et sonitu terrebis aues: horrebit in aruis
Carduus: & spinis surgit paliurus acutis.

Lappe. tribuliq;. & fallax herba ueneni.
At si triticeam in messem robustaq; farra
Exercebis humum: frustra spectabis aceruum.
Cocussa q; famem in siluis solabere quercu.
Insuper his subeunt morbi tristisq; senectus.
Et labor & diræ rapit in clãmëtia mortis.
Hæc tibi semper erunt.

Maledictio eue.

Tuq; o sæuissima coniunx
Nõ ignara mali caput horum & causa malorum
Magna lues cõmissa tibi: heu perdita nescis:
Nec quæ circumstant te deinde pericula cernis.
Nũc morere ut merita es: tota q; mète petisti.
Nec mea iam mutata loco sententia cædit.

Expulsio eorũ de paradiso

At iuuenem primũ sæuus circũstet horror
Diriguere oculi: nec se celare tenebris
Amplius: aut notas audire & reddere uoces.
Haud mora festinant iussi: rapidisq; feruntur
Passibus: & pariter gressi per opaca uiarum
Corripiunt spaciũ medium: limẽq; relinquunt
Flentes: & curis paribus uestigia figunt.
Tum uictum in siluis bacas lapidosaq; corna
Dant rami: & uulsis pascunt radicibus herbæ.

Conceptio caym.

Interea magnum sol circũuoluitur annum.
Matri longa decem tulerant fastidia menses:
Vnde homines nati durum genus: inde per artem

Aut herbæ campo apparent: aut arbore frondes.
Inq; nouos soles audent se germine tuto
Credere: & lentis uuam dimittere ramis
Instituunt: udoq; docent inolescere libro.

Abel a fratre occiditur.

Tunc gemini fratres adolent dum altaria cædis:
Alter in alterius prælato inuidit honore:
Horresco referens consanguinitate propinquum
Excipit incautum: patriasq; obtruncat ad aras
Sanguine fedantem quos ipse sacrauerat ignes.
Tum genitor uirus serpentibus addidit atris.
Et passim riuis currentia uina repressit.
Mellaq; decussit foliis. ignemq; remouit.
prædariq; lupos iussit. potumq; moueri.
Mox & frumentis labor additus: ut mala culmos
Esset rubigo: & uictum seges ægra negaret.
Tum alnos primum fluuii sensere cauatas.
Tum laqueis captare feras & fallere uisco
Inuentum: & duris urgens in rebus egestas
Mouit agros curis acuens mortalia corda
Deterior donec paulatim ac mollior ætas
Ferreæ progenies dirum caput extulit aruis.
Iusticia excedens terris uestigia fecit:
Et belli rabies: & amor successit habendi.
Nec longum in medio tempus: furor iraq; mète
Præcipitant. gaudent perfusi sanguine fratrum.
Condit opes alius: defossoq; incubat auro.
Nec doluit miserans in opem; dextramq; tetendit

Diluuium.

Tū pater omnipotens grauiſſe cōmotus ab alto
Ethere ſe mittit: tellurē eſundit in undas
Diluuium miſcens: coelumq; in tartara ſoluit:
Sternit agros: ſternit ſata læta: boumq; labores
Diluit: implētur fossæ: & caua flumina creſcūt:
Et genus omne neci pecudū dedit ille ferarū.

Noe ſeruatur.

Tum pietate grauē ac meritis mirabile dictū
Qui fuit in terris & ſeruātiffimus æqui
Eripuit leto tantis ſurgentibus undis
Vt genus unde nouæ ſtirpis reuocaret haberet.

De pharaone & pplō p̄ deſertū eūte
Diluuio ex illo patribus dat iura uocatis
Omnipotens magnis agitans ſub legibus æuum.
Quid memorē infādas cædes: quid facta tyrani:
Nefciq; humanis precibus manueſcere corda:
Egyptum uireſq; orientis & ultima bella
Magnanimosq; duces totaſq; ex ordine gentes.
Quo curſu deſerta petāt & tribus & gens
Magna uirum meriti tāti nō immemor unquam
Quiq; ſacerdotes caſti dum altaria iuxta:
Quiq; pii uates pro libertate ruebant:
Qui bello exciti reges: & quæ littore rubro
Complerint campos acies: quibus arſerit armis
Rex genus egregium magno inflamāte furore
Agmen agens equitum & florentes ære cateruas
Cætera facta patrum pugnatq; ex ordine bella

Prætereo: atq; aliis poſt me memorāda relinquo

Natalis domini

Nunc ad te & tua magne pater cōſulta reuertor
Maius opus moueo: uatum prædicta priorum
Aggredior: quamuis anguſti terminus æui
Accipiat: tentanda uia eſt: qua me quoq; poſim
Tollere humo: & fama nomen tot ferre p̄ annos:
Quot tua progenies coelo deſcendit ab alto.
Attulit & nobis aliquando optātibus ætas
Auxilium aduentumq; dei: quo foemina primū
Virginis os habitumque gerens mirabile dictū
Nec generis noſtri puerum nec ſanguinis edit.
Seraque terrifici cecinerunt omina uates
Aduentare uirum populis terrisq; ſuperbum
Semine ab ethereo: qui uiribus occupet orbem:
Imperium oceano: famam qui terminet aſtris.
Iamq; aderat promiſſa dies quo tempore primū
Extulit os ſacrum diuinæ ſtirpis origo
Miſſus in imperium: uenitque in corpore uirtus.

De ſtella & magis.

Naud mora continuo coeli in regione ſerena
Stella facem ducens multa cum luce refulſit.
Agnouere deum proceres: cunctique repente
Muneribus cumulant: & ſanctū ſidus adorant.
Tum uero manifeſta fidel: clarumque paternæ
Nomen erat uirtutis: & ipſi agnoſcere uultus
Flagrant: & quædam diuini ſigna decoris.

De turbatione herodis.

Rotinus ad regem magno clamore ruentum
Fama uolat: magnisque acuit clamoribus iras:
Incenditque animum: matrisque allabitur aures.
Illa dolos dirumque nefas haud nescia rerum
Præsensit; motusque excepit prima futoros.
Præscia uenturi furtim mandarat alendum:
Dum curæ ambiguæ dum mens exestuat æstu.

De morte infantium.

T rex sollicitus stirpem & genus omne futurū
Præcipitare iubet: subiectisque urere flammis
Multa mouens: mittitque uiros qui certa reportēt:
Haud secus ac iussi faciunt: rapidisque feruntur
Passibus; & magnis urbem terroribus implent.
Continuo auditæ uoces. uagitus & ingens.
Infantumque animæ flentes. ante ora parentum
Corpora natorum sternuntur limine primo.

De fuga domini in egyptum.

T mater gemitu ne quicquam exterrita tanto
Ipsa sinu præse portans turbante tumultu
Infantem fugiens plena ad præsepia reddit.
Hic natum angusti subter fastigia tecti
Nutribat teneris immulgens ubera labris:
Hic tibi prima puer fundunt cunabula flores.
Mixtaque ridenti passim cum baccare tellus
Molli paulatim colocasia fundit acantho.

De reditu eius in iudeā defūcto herode.

T iam finis erat perfecto temporis orbe:
Vt primum cessit furor & rabida ora quierunt;

Ante annos animum gestans cælestis origo
Per medias urbes graditur sociosque propinquos.
Illum omnis tectis agrisque effusa iuuentus
Antonitis inhians animis prospectat euntem:
Turbaque miratur matrum: quis spiritus illi:
Quis uultus: uocisque sonus: uel gressus eunti.

Testimonium iohannis de cristo.

Ontinuo uates nāque is certissimus auctor
Vt procul a gelido secretum flumine uidit:
Tempus ait deus ecce deus: cui maxima rerum
Verborumque fides. tu nunc eris alter ab illo
Fortunate puer: coeli cui sidera parent.
Sic equidem ducebam animo: rebarque futurum.
Expectate uenis: spes & solatia nostri.

De baptismo cristi.

Aec ubi dicta dedit: fluuio mersare salubri
Accepit uenientem: ac mollibus extulit undis.
Exultatque uada. Apparitio spūs scī.

T subito commata columba
Deuolat: & supra caput astitit: unde repente
Radit iter liquidum: celeres neque commouet alas
Huc omnis turba ad ripas effusa ruebat
Certatim largos humeris infundere rores

Vox patris de cristo.

Vm genitor natum dictis compellat amicis.
Nate meæ uires mea magna potentia solus
Et predulce decus magno rediture parenti:
A te principium; tibi desinit accipe testor

O mea progenies qua sol utrumq; recurrens.
Aspicit oceanum perfecto lætus honore
Omnia sub pedibus uerti regiꝫ uidebis.
Tu regere imperio populos matresq; uirosq;
Ignarosq; uiaꝫ mecum miseratus inertes
Aggredere & uotis iam nunc assuesce uocari.
Dixerat ille patris magni parere parabat.
Imperio insistens operi regnisq; futuris.
Heu pietas heu prisca fides. quas dicere gētes
Incipiam: si parua licet componere magnis:
Nec mihi ia patriam antiquā spes ulla uidēdi.
Nec spes libertatis erat nec cura salutis.
Hic mihi responsum primus dedit ille petenti.
Concretam exemit labem: purumq; reliquit
Ethereū sensum: meq; in mea regna remisit.
Illum ego per flāmas: agerem si syrtibus exul;
Per uarios casus per mille sequentia tela:
Quo res cumq; cadent: unum pro munere tanto
Exequerer: strueremq; suis altaria donis.
Namq; erit ille mihi semper deus illius aram
Cuncti obtestamur: ueniamq; oramus ab ipso.
Huius in aduentu tantarum gloria laudum
Ipsi læticia uoces ad sidera iactant
Intonsi montes: respondent omnia ualles.

Tentatio christi.

tempore nō alio magnū & uenerabile nomē
Serpentis furiale malum memenisse necesse est.
Ausus quin etiam fama est obscurior annis.

Compellare uirum: & ueniendi poscere causas.
Hunc ubi tendentem aduersū per gramina uidit:
Substitit: infremuitq; ferox: dominumq; potētem
Saucius at serpens affatur uoce superba.
Vera ne te facies: uerus mihi nuncius affers?
Qui genus: uide domo qui nostra ad limina tendis
Fare age qd uenias: nam te dare iura loquūtur
Aut quis. te iuuenum confidentissime nostras
Iussit adire domos paciꝫ imponere morem.
Non equidem inuideo miror magis. accipe porro
Quid dubitem & quæ nūc animo sententia surgat
Statuit super pinnaculum templi.
Est domus alta: uoca zephiros: & labere penis
Ardua tecta petens ausus te credere coelo.
Si modo quem memoras pater ē cui sidera parēt.

Vox christi ad tentatorem.

Olli subridens sedato pectore fatur
Haut uatum ignarus uenturiq; inscius æui.
Dissimulare etiam sperasti perfide serpens:
Ne dubites: nam uera uides. opta ardua penis
Astra sequi: clausumq; caua te cōdere terra:
Quo periture ruis: maioraq; uiribus audes.
Cede deo toto proiectus corpore terra.
Nec plura hiis.

Reliquit eum tentator.

Ille admirans uenerabile donum
Fronte premit terram: & spumas agit ore cruēto
Contentusq; fuga cecis se immiscuit umbris

D. i.

Dominus elegit discipulos .

Interea magnas uolitans it fama per urbes
Conuenere uiri. mens omnibus una sequendi:
In quascunq; uelit pelago deducere terras.
Multi præterea quos fama obscura recondit
Circūstant fremitu denso: stipantq; frequentes.
Conueniunt: uitamq; uolūt pro laude pascisci.

Sermo domini in monte.

Postquā altos uentum in montes: æterna potestas
Iura dabat. legesq; uiris: opumq; labores
Edocet humanis quæ fiducia rebus
Admonet immiscens cari præcepta parentis.
Spemq; dedit dubiæ menti: curasq; resoluit.
Conspicit ecce alios dextra leuaq; frequētes:
Exultatq; animis: medium nam plurima turba
Hunc habet: atq; humeris extantem suspicit altis.
Quos ubi confertos audere in prælia uidit:
Incipit: & dictis diuinum inspirat amorem.
Discite iusticiam moniti: & succurrere fessis
Pro se qsq; uiri: quæ cuiq; est copia leti:
Comunemq; uocate deum: meliora sequamur:
Quoq; uocat uertamus iter: uia prima salutis
Intemerata fides: & mens sibi conscia recti.
Vobis parta quies perfecto temporis orbe.
Nam qui diuitiis soli incubuere repertis:
Nec partem posuere suis: dum uita maneret:
Pulsatusue parens: & fraus innexa clienti
Tunc cum frigida mors anima subduxerit artus:

Inclusi poenam expectant: quæ maxima turba est
Infernisq; cient tenebris: ueterumq; malorum
Supplicia expendunt. alii sub gurgite uasto
Infectum eluitur scelus: aut exuritur igni.
Turbidus hic ceno uastaq; uoragine gurges
Estuat: atq; omnem cocyto eructat arenam.
Hic exaudiri gemitus: & sæua sonare
Verbera: tum stridor ferri strictæq; cathenæ:
Semper & obducta densantur nocte tenebræ.
Præterea quæ dicam animis aduertite uestris.
Non ego uos post hæc cæsis de more iuuentis
Religione patrum truncisq; & robore natas
Mortaliq; manu effigies & templa tueri
Audite: & repetens iterumq; iterumq; monebo.
Sed perisse semel satis est: matremq; patremq;
profuerit meminisse magis: si credere dignū est.
Sed fugit interea: fugit irreparabile tempus:
Flāmarumq; dies & nox inimica propinquat.

Signa uenturi iudicii.

Attonitis hesere animis. nec plura moratus.
Hic aliud maius miseris mortalibus agris
Iudicium canit: tristes denunciat iras:
Venturum excidium: & uasta conuulsa ruina
Omnia: tunc pariter rutilo miscerier igne:
Pallentesq; polo stelas: coeliq; ruinam.
Tunc uero tremefacta nouus per pectora cunctis
Insinuat pavor: & taciti uentura uidebant.

De quodam iuvene consulente christum

D. 11.

Hoc sup aduentu cum dicta horrenda moneret:
Ora puer prima signans intonsa iuuenta:
Diues opum: studiis florens ignobilis oci:
Quinq; greges illi balantum: quina redibant
Armenta: & dapibus mensas onerabat opimis:
Continuo palmas alacris utraq; tetendit:
Et genua amplectens sic ore affatus amico est.
O decus o famæ merito pars maxima nostræ:
Ad te confugio & supplex tua numina posco.
Omnia perfici: atq; animo mecum ante peregi.
Eripe me hiis inuicte malis: qd deniq; restat:
Quidue etiam tantos possim sufferre labores:
Accipe daq; fidem. mihi iussa capessere fas est.
Atq; huic responsum paucis ita reddidit heros.
O prestans animi iuuenis absiste precando.
Nec te poeniteat: nihil o tibi amice relictum est
Hoc etiam hiis addam tua si mihi certa uolūtas.
Disce puer contemnere opes: & te quoq; dignum
Finge deo: & quæ sit poteris cognocere uirtus
Da dextram misero: & fratrem ne desere frater:
Si iungi hospicio properat coniunge uolentem:
Casta pudiciam seruet domus: en age segnes
Rumpe moras: rebusq; ueni non asper egenis.
Dixerat hæc: ille in uerbo uestigia torfit
Tristior ora modis attollens pallida miris.
De discipulis in mari periclitantibus.
Inde ubi prima fides pelago tranquilla per alta

Deducunt socii naues: atq; arte magistra
Huc alius funda latum transuerberat amnem
Alta petens: pelagoq; alius trait humida lina.
Postquã altum tenuere rates nec amplius ullæ
Occurrunt terræ: crebris micat ignibus æther:
Eripiunt subito nubes coelumq; diemq;.
Confurgunt uenti: & fluctus ad sydera tollunt.
At sociis subita gelidus formidine sanguis
Diriguit: cecidere animi: cunctiq; repente
Pótum aspectabant flentes uox omnibus una.
Spemq; metumq; interdubii seu uiuere credant
Seu extrema pati: leti discrimine paruo
Qualia multa mari nauæ patiuntur in alto.

Christus ambulat super aquas.

Eece deus magno misceri murmure pontum
Emissamq; hyemem sensit: cui summa potestas
Par leuibus uentis & fulminis ocyor alis
Prona petit maria: & pelago decurrit aperto.
Nec lango distant cursu: pereunte carina
Agnoscut longe regem dextraq; potentem
Nudati socii: & magno clamore salutant.
Postquã altos tetigit fulctus & ad æquora uenit:
Id uero horrendum uisu ac mirabile ferri
Subsidunt undæ: remo ut luctamē abesset
Colletasq; fugat nubes: graditurq; per æquor
Iam medium: nec dum fluctus latera ardua tixit.
At media socios incedens naue per ipsos
Ipse gubernaculo rector subit: ipse magister:



Intremuit malus. gemuit sub pondere cymba:
Vela cadunt: puppiq; pater confedit in alta;
Et tandem leti notæ aduertuntur arenæ.

Super asinam intrat hierusalem.

Tunc etiam tardi costas agitator aselli
Insedit nymbo effulgens cui plurima circum
Matres atq; uiri pueri uelamina nota
Subiciunt funemq; manu contingere gaudent.
Iamq; propinquabant portis templumq; uetustū
Antiqua e cedro centum sublime columnis:
Ingreditur magna medius stipante caterua.
Horrendum siluis hoc illis curia templum:
Hæ sacre sedes: miro quod honore colebant.
Nanc sub ingenti lustrat dum singula templo:
Horrescit uiso subito: insonuitq; flagello.
Significatq; manu. & magno simul intonat ore.
Quæ scelerum facies: quæ ue æra micantia cerno
Cæsaris & nomen: quæ mentem insania mutat:
Hic uobis propriæ sedes: hic tempore certo
Perpetuis patres soliti confidere mensis.
Obstupere animi: gelidusq; per ima cucurrit
Ossa tremor: mensasq; metu liquere priores.

De cena domini.

Deuexo interea propior fit uesper olimpo
Tum uictu reuocant uires: fusiq; per herbam
Et dapibus onerant mensas: & pocula ponunt.
q; christus corpus suū & sâguinē dedit disciplis suis
Postquā prima quies epulis: mensæ remotæ:

Ipsè iterum primos genitori instaurat honores
Suspiciens coelum. tum facta silentia linguis
Dat magnibus fruges dulcesq; a fontibus undas
Impleuitq; mero pateram: ritusq; sacrorum
Edocet: immisitq; preces ac talia factur
Audite o proceres ait & spes discite certas:
Nemo ex hoc numero mihi nō donatus abibit:
Promissisq; patris uestraq; hec munera uobis
Cæta manet pueri: & palmā mouet ordine nemo

De traditione & passione sua predicat.

Et lux cum primum terris se crastina reddet:
Vnus erit tantum in meq; exiciumq; meorum:
Dum paci medium se offert de corpore uestro.
Iamq; dies ni fallor adest. seducite curas:
Mecum erit iste labor: nec me sententia fallit:
Vnum pro multis dabitur caput: hæc ita factus
Conticuit: seramq; dedit per membra getem.

Iudei a pilato postulant christū crucifigi
Oceanum interea surgens aurora religt.
Iamq; sacerdotes late loca questibus implent
Cū populo & patribus. seritur p agmina murmur
q; genus hoc hoīnū: quēue hæc tā barbara morē
Permittit patria: poenas cum sanguine poscunt
Vndiq; collecti: & magno clamore secuntur
Infontem: sæuitq; animis ignobile uulgus.

Sexta hora ducitur ad crucem.

Sol medium coeli conscenderat igneus orbem:
Cum subito omnes accincti populiq; patresq;

Diiii

Exposcunt: fariq; iubent quo sanguine cretus:
Quidue petat: quidue ipse ferat: præclara tuètes
Facta uiri mixtus dolor & stupor urget inertes.
Nescia mens hominum: certantq; illudere capto.
Tum uero captis concurrunt undiq; telis.
Tolitur in coelum clamor: cunctiq; repente
Insignem quercum decisis undiq; ramis
Constituunt: spirisq; ligant ingentibus illum:
Tendebantq; manus pedibus per mutua nexis:
Triste ministerium: sequitur quos cætera pubes.
Ausu omnes immane nefas: ausoq; potiti.
Ille autem impauidus quo uincula neçtitis iquit:
Tanta ne uos generis tenuit fiducia uestri:
Post mihi non simili poena commissa luetis.
Talia perstabat memorans fixusq; manebat
Sol obscuratur & fit terremotus.

Interea magno misceri murmure coelum
Incipit: & rebus nox abstulit atra colorem:
Impiaq; æternam timuerunt sæcula noctem.
Terra tremit. fugere feræ. & mortalia corda
Per gentes humilis strauit pauor. inde repente
Dat tellus gemitu: & coelū tonat omne fragore.

Inferni spoliantur.

Extemplo commotæ herebi de sedibus imis
Umbrae ibant tenues tellus quoq; & æquora pōti
Signa dabant. sistunt amnes. terræq; dehiscunt.
Quin ipsæ stupuere domus: atq; intima loeti
Tartara: & umbrosæ penitus patuere cauernæ

Sol quoq; & exoriens cuncti se scire fatentur
Tunc caput obscura nitidum ferrugine tinxit.

De fuga apostolorum.

Diffugiunt comites: & nube teguntur opaca:
Multaq; dura suo tristi cum corde uolitant.
Quid faciant: hærent infixi pectore uultus:
Verbaq; nec placidam membris dat cura quietē.

Questio petri ad discipulos.

Tunc senior tales reddebat pectore uoces:
Multa mouenes: ubi nunc nobis deus ille magister:
Quē seqmur: quo ue ire iubes: ubi ponere sedes:
O dolor atq; decus tantarum gloria rerum.
Iam iā mora nulla est: & nos rape in omnia tecum
Oramus: teq; aspectu ne subtrahe nostro.

De christi resurrectione.

Hos inter motus media inter talia uerba
Tertia lux gelidam coeli dimouerat umbram.
Iamq; pedem referēs: superas ueniebat ad auras:
Cum subito ante oculos ingenti mole sepulchrum
Corpus ubi exanimi positum: nec claustra nec ipsi
Custodes sufferre ualent: auulsaq; saxis
Saxa uident: laxis laterum compagibus artis
Fit sonitus. ingens concussa est pondere tellus.
Horror ubiq;. animos simul ipsa silentia terrent.
Ecce autem primi uolucrum sub culmine cantus
Ingreditur linquens antrum: spoliisq; supbis
Ibat ouans: pulsuq; pedum tremit excita tellus.
Foribus clausis apparuit discipulis.

Vulneraꝫ illa gerens foribus sese intulit altis.
Atqꝫ hic ingentem comitum affluxisse nouorum
Inuenit admirans numerum cunctisqꝫ repente
Improuisus ait: coram quem queritis adsum.
Vicit iter durum pietas: & uiuida uirtus.
Præcipites uigilate uiri. timor omnis abesto.
Hii nostri reditus expectatiqꝫ triumphii.
Hec mea magna fides. o terqꝫ quaterqꝫ beati
Quæ uobis quæ digna uiri pro laudibus istis
Præmia posse rear solui: que dona parari:
Ancipitem reuocate animum: moestūqꝫ timorē
Mittite: & uos met rebus seruate secundis.
Quod superest benegestis ordine rebus
Comēdat pacē discipulis & dubitātibus ostēdit uul
Pacem orate manu: pacem laudate sedentes
Magnanimi: pacis solum inuiolabile pignus.
Et simul hiis dictis faciem ostēdebat & ora:
Ora manusqꝫ ambas: penetrataqꝫ pectora ferro:
Immiscēt manum manibus: gaudentqꝫ tuentes:
Nec uidisse semel sat est: iuuat usqꝫ morari:
Et conferre gradum: & dextræ coniugere dextrā
De ascensione domini
His demum exactis spirantes dimouet auras
Aera per tenerum: coeloqꝫ inuectus aperto
Mortales uisus medio in sermone reliquit.
Infert se septus nebula mirabile dictu.
Atqꝫ illum solio stellantis regia coeli
Accipit: æternumqꝫ tenet per sæcula nomen.

Ex illo celebratur honos. letiqꝫ minores
Seruauere diem tot iam labentibus annis.
I decus i nostrum tantarum gloria rerum:
Et nos & tua dexter adi pede secundo
Annua quæ differre nefas celebrate fauentes.
Hunc socii morē sacrorum: hunc ipse teneto
O dulcis coniunx. & si pietate meremur
Hac casti maneant in religione nepotes.

FINIS

alue festa dies toto uenerabilis æuo.
Qua deus infernum uicit: & astra tenet
Tempora florifero rutilant distincta sereno:
Et maiore poli lumine porta pater.
Altius igniuomum solem cæli orbita ducit:
Qui uagus oceanas exit: & intrat aquas
Armatus radiis elementa liquentia lustrans.
Hac in nocte breui tendit in orbe diem.
Splendida sincero producunt æthera uultu:
Læticiamqꝫ suam sidera clara probant.
Terra ferax uario fundit munuscula cultu.
Cum bene uernarit: reddit & annus opes.
Mollia purpureum pingunt uiolaria campum.
Prata uirent herbis: & micat herba comis.
Paulatim subeunt stellantia lumina florum:
Floribus arrident gramina cuncta suis.
Semine deposito late seges exilit auis:

Spondens agricolæ uincere posse famem.
Caudice defecto lachrymat sua gaudia palmes.
Vnde merum tribuat: dat modo uitis aquam
Cortice de matris tenera lanugine surgens
Præparat ad partum turgida gemma sinum.
Subq; hyemis tempus foliorum crine refosso
Iam reparat uiridans frondea tecta nemus.
Mixta salif. abies. corylus. filer. ulm9. acer. nux.
Plaudit quæq; suis arbor amena comis.
Constructura fauos apif hinc aluearia linquẽs
Floribus instrepitans poplite mella rapit.
Ad cãtus reuocatur auis: quæ carmine clauso
Pigrrior hiberno frigore muta fuit.
Hic phylomena suis attẽperat organa canif.
Fitq; repercusso dulcior aura melo.
Ecce renascentis testatur gratia mundi:
Omnia cum domino dona redisse suo.
Nanq; triumphanti post tristia tartara christo
Vndiq; fronde nemus: gramina flore fauent.
Legibus inferni oppressis: super astra meantem
Laudant rite deum: lux: polus: arua: fretum.
Qui crucifixus erat: deus ecce per omnia regnat.
Dantq; creatori cuncta creata precem.
Mobilitas anni: mensum: lux alma dierum:
Horarum splendor: stridula cuncta fauent.
Hinc tibi silua comis: plaudit quoq; cãpus aristis
Hinc grates tacito palmite uitis agit.
Hinc tibi nunc auium resonant uirgulta susurro.

Has inter nimio passer amore canit.
Christe salus rerum: bone conditor: atq; redẽptor
Vnica progenies ex deitate patris:
Irrecitabiliter manans de corde parentis:
Verbum subsistens: & patris ore potens:
Aequalis: concors: socius cum patre coaeuus:
Quo sumpsit: mundus principe: principium:
Aethera suspendis: sola cogeris: æquora fundis:
Quæq; locis habitant: quæ moderata uigent:
Qui genus humanum cernens merfisse profundo:
Vtq; hominẽ eriperes. es quoq; factus homo:
Nec nostro tantum uoluisti e corpore nasci:
Sed caro: quæ nasci pertulit atq; mori.
Funeris exequias pateris nouus auctor & orbis.
Intra mortis iter dando salutis opem.
Tristia cessarunt infernæ uincula legis.
Expauitq; chaos luminis ore premi:
Depereunt tenebræ christi fulgore fugatæ.
Aeternæ noctis pallia crassa cadunt.
Sollicitam: sed redde fidem: precor alma potestas
Tertia lux rediit: surge sepulte meus.
Non decet ut uili tumulo tua membra tegantur.
Non precium mundi uilia saxa premant.
Indignum est: cuius clauduntur cuncta pugillo:
Vt tegat inclusum rupe uetante lapis.
Lintea tolle precor: sudaria linque sepulchro:
Tu satis es nobis: & sine te nihil est.
Solue cathenatas inferni carceris umbras:

Et reuoca sursum quicquid ad ima iuit.
Redde tuam faciem: uideant ut sæcula lumen.
Redde diem: qui nos te moriente fugit.
Sed plane implesti remeans pie uictor olimpi:
Tartara pressa iacent: nec sua iura tenent.
Inferus insaturabiliter caua guttura pandens:
Qui raperet semper: fit tua præda deus
Eripis innumerum populum de carcere mortis.
Et sequitur liber quo suus auctor abis.
Euomit absorptam pauide fera belua plebem.
Et de fauce lupi subtrahit agnus oues.
Hinc tumulū repetens post tartara carne resūpta.
Belliger ad caelos ampla trophea refers.
Quos habuit penale chaos: iam reddidit iste:
Et quos mors peteret: hos noua uita tenet:
Rex sacer ecce tui radiat pars magna trophæi:
Cum puras animas sacra lauacra beant
Candidus egreditur nitidis exercitus undis.
Atq; uetus uicium purgat in amne nouo.
Fulgentes animas uestis quoq; candida signat.
Et grege de niueo gaudia pastor habet.
Additur hac foelis concors mercede sacerdos:
Qui dare uult domino dupla talenta suo:
Ad meliora trahens gentili errore uagantes:
bestia ne reparet munit ouile dei.
Ouos prius eua nocēs ifecerat: hos modo reddit.
Ecclesie pastor ubere lacte sinu

